



Činjenice i brojke o ženama u šumarskom sektoru u Bosni i Hercegovini

Šume u rukama žena


Najvažnija saznanja o ženama u šumarstvu



Stanje na tržištu rada u šumarskom sektoru u BiH


U posljednjih nekoliko godina primjetna je velika razlika kada je u pitanju stopa zaposlenosti muškaraca u poređenju sa ženama. U periodu od 2017-2019. godine, stopa zaposlenosti muškaraca bila je gotovo dvostruko viša u odnosu na stopu zaposlenosti žena.

Ne postoje kvantitativni podaci o zaposlenosti žena u šumarskom sektoru iz razloga što je on predstavljen u okviru sektora poljoprivrede, šumarstva i ribarstva.



Zaposlenje u šumarskim preduzećima u FBiH

Prema podacima iz 2015. godine, u FBiH je ukupno bilo 4627 zaposlenih u šumarskim preduzećima, od čega je 4126 (89.2%) bilo zaposleno u šumarskim društvima (preduzećima), a 501 (10.8%) u kantonlanih ili federalnim upravama za šumarstvo. U ukupnom udjelu zaposlenih u 2015. godini u šumarskim preduzećima, muškarci su činili veliku većinu. Od ukupno 236 uposlenih na upravljačkim pozicijama, 25 (11%) su bile žene.



Zaposlenje u kantonalnim i federalnim upravama

Iako postoje određeni podaci da je u kantonalnim i federalnim upravama za šumarstvo u 2015. godini radilo oko 500 radnika, samo su 5 kantonalnih i 1 federalna uprava dostavile podatke o broju zaposlenih u preduzeću za tu godinu. Zaposleni u ovim preduzećima, a posebno zaposleni na pozicijama vezanim za šumarstvo u velikoj većini bili su muškarci.

Zaposlenje u šumarskim preduzećima u entitetu RS

Za razliku od FBiH u kojoj postoji veći broj šumarskih uprava i preduzeća, u entitetu RS postoji samo jedno šumarsko preduzeće pod nazivom "Šume Republike Srpske". Od ukupno 4568 radnika ovog preduzeća, svega 20% činile su žene.

Najvažnija saznanja o ženama u šumarstvu


Zaposlenje u obrazovnim ustanovama

Na ukupno četiri visoko obrazovne ustanove vezane za šumarstvo u BiH, nešto je veći udio zaposlenih žena u odnosu na šumarska preduzeća i kantonalne i federalne uprave. Na šumarskim fakultetima Univerziteta u Sarajevu i Univerziteta u Banjoj Luci, žene su činile otprilike 1/3 zaposlene radne snage, dok su na Biotehničkom fakultetu Univerziteta u Bijaču više od polovine (65.52%) radnog osoblja činile žene.




Privatne šume i šumoposjednici u BiH

Privatne šume su uglavnom u vlasništvu pojedinaca i u rijetkim slučajevima nekih institucija. U poređenju sa relativno intenzivnim upravljanjem državnim šumama, privatne šume su prilično zanemarene od strane donosilaca odluka u šumarskoj politici i privatnih šumoposjednika. Većina privatnih šumoposjednika ima šumska dobra manja od 1ha. Osim toga, ove nekretnine su često u prosjeku podijeljene na dvije do sedam parcela, a koriste se za potrošnju domaćeg ogrjevnog drveta i trupaca.



Žene šumoposjednice u BiH

Budući da u BiH ne postoje statistički podaci o privatnim šumama, pa čak ni njihov približan broj, nema podataka o broju ili procentu žena šumoposjednica. Čini se da su privatni vlasnici šuma u BiH uglavnom muškarci jer nasljeđivanje šumske imovine ide po muškoj liniji a žene rijetko dijele formalna vlasnička prava sa svojim muževima. Šumoposjednici žive uglavnom u ruralnim područjima, sa nižim stepenom obrazovanja i malim prihodima (često marginalizovana grupa u riziku od siromaštva).



Nedostupnost podataka o rodnoj strukturi uposlenika karakteriše sektor šumarstva.

Šumarstvo je sektor sa mnogo manjim brojem zaposlenih žena. Ovo je okolina u kojoj dominiraju muškarci.

Sektor šumarstva je u BiH uvjetovan tradicionalnim vrijednostima.

Žene šumoposjednice često prepuštaju prava upravljanja šumom muškim članovima porodice.

Broj žena na upravljačkim pozicijama je veoma mali.

Fem4Forest poziv na akciju

Projekat „Šume u rukama žena“ (Fem4Forest) započeo je u julu 2020. godine i traje do 31.12.2022. godine. U projektu učestvuje 14 partnera iz 10 zemalja Dunavskog regiona (Austrija, Bosna i Hercegovina, Bugarska, Češka, Hrvatska, Njemačka, Rumunija, Slovenija, Srbija, Ukraina). Projekat je finansiran u okviru Programa transnacionalne saradnje INTERREG Dunav, a vodeći partner je Šumarski institut Slovenije. Partner iz Bosne i Hercegovine je Inicijativa za šumarstvo i okoliš - fea.

Zapratite nas i saznajte više o osnaživanju položaja žena u sektoru šumarstva!